

# АКАФИСТ БЛАГОВЕЩЕНИЮ ПРЕСВЯТОЙ БОГОРОДИЦЫ



## Кондак 1

Избранной в предвечном Совете Богоотроковице Марии, послужити велию таинству боговоплощения, сияющей девственной чистотою паче высших небесных чистоты, благоговейныя пения принесем Тебе, Богородице, о всерадостном от Архангела благовещении Твоем. Ты же, яко обрадованная и радость падшим людем подати могущая, избави нас от всяких бед и греховных печали, и возведи нас к небесней радости, да с Гавриилом вопием Тебе: Радуйся, Благодатная, Господь с Тобою.

## Икос 1

Архангел Гавриил предстояй Престолу Божию вину зрит неприступную Божественную Славу, егда же прииде время избавления человеков, прия повеление Господне: Буди служитель страшному чудеси и таинству сокровенному: милосердием Моим подвигся ко взысканию заблудшаго Адама, снити тщуся. Гряди убо во град Назарет, в немже отроковица Мария обитает, да прелюбезную красоту девства узриши. Гряди к сему одушевленному Божию Кивоту, ко второму Небеси на земли сущему. Иди к Сей Обители Воплощения Моего и возвести нетленное Моё от Ней пришествие. Блуди же, да не смудиши и да не устраиши душу Девы, да в радости будет, а не в печали благовестие твоё. Сего ради приступи к Ней кратко и первый глас твой радость Ей да принесет, и да возопиеш Ей сице:

Радуйся, Благодатная, Еюже радость возсияет.

Радуйся, Обрадованная, Еюже клятва исчезнет.

Радуйся, Благословенная, Еюже вся тварь обновляется.

Радуйся, Препрославленная, Еюже весь мир спасается.

Радуйся, Богоизбранная Отроковице, падшаго Адама воззвание.

Радуйся, Пренепорочная Дево, слез Евиных избавление.

Радуйся, Благодатная, Господь с Тобою.

## Кондак 2

Видев Архангел Гавриил, яко Человеколюбец Господь  
умилосердился, гиблемый зря род человек, удивися зело, како Бог, Егоже  
небеса вместити не могут, в девичестей хощет вместитися утробе, како  
не опалит ю огонь Божества, како Бог, на Негоже Херувими и Серафими  
возрети не смеют, хощет во образе раба явитися на земле, да с человеки  
поживет. Сему неизреченному таинству чудящися со страхом возопи  
Богу: Аллилуиа.

## Икос 2

Разум неуразумеваемый страшнаго таинства открывая, рече  
Владыка Ангелов ко Архистратигу: что смущаешься, Гаврииле, о новости  
вещи? Аще не опали огонь купину в пустыне горевшую и не сгоравшую, не  
опалит всячески утробу Девичу Огонь Божества Моего, но паче оросит ю и  
освятит благодать Моя. Идеже бо хощет Бог, побеждаются естества  
уставы. Гавриил же, сия слышав, радости исполнися Божественныя, и  
отиде в Назарет, исполняя повеление Господне, помышляюще в себе,  
како внидет к Отроковице и како возвестит Ей таинство чудесное, во еже  
не смутити Ея девический помысл, и рече к себе: возвещу убо Ей первее  
радость, и целюя воспою глас таковий:

Радуйся, Радосте всему миру, Тебе бо Единой подобает радоватися.

Радуйся, Сладосте Ангелов, от Тебе Единой благоволи Господь  
воплотитися.

Радуйся, Неувядаемый Цвете чистоты, Ты бо небесное благоухание  
всему миру явила еси.

Радуйся, белоснежный крине девства, Ты бо райское девство на земли  
насадила еси.

Радуйся, Сокровище паче всего дражайшее, Твоя бо доброты возжела  
Царь Небесный.

Радуйся, Утро всему миру светлейшее, Твоим бо светом разгонится мрак  
греховный.

Радуйся, Благодатная, Господь с Тобою.

### Кондак 3

Силою Божественною укрепляемый слетé с небесных высот великий Архангел и в Назарет град прииде, и обрете Святую Деву во внутреннем чертоге Своём не о житейских пекущуюся, но в молитве и чтении книжном Пребывающую. Та бо разгнув книгу Исаии пророка, читаше словеса его: “Се Дева во чреве примет и родит Сына и нарекут имя Ему Еммануил”. И распалёшься серафимскою любовью не точию к Имущему скоро приити Христу, но и к Девце оной, Яже имать родити Того, и размышляше коль неизреченно есть таинство сие и коль велико есть достоинство Девцы Той, и моляшесь, о еже увидети Ю, и аще возможно, последнейшею Ей быти рабынею Той, да с радостию воспоём Богу: Аллилуиа.

### Икос 3

Имуще страх велий и благоговение к Богоотроковице, Юже Бог избра быти Владычицею неба и земли, великий Архангел приближися ко внутренним дверем чертога Той, и се абие внезапно предста Препоблагословенней с кротостию великою, предста Пренепорочней небесный Вестник, да радость всему миру благовестит, предста безплотный Чистой Деве, да безчестие женское в честь преложит, и между Создателем и созданием уневещение да сотворит, и светлым гласом абие глагола Неискусобрачней:

Радуйся, Благодатная, ликуй ныне и веселися, яко Господь с Тобою.

Радуйся, Благословенная, слыши ныне и приклони ухо Твое, яко возжелá Царь доброты Твоея.

Радуйся, Обрадованная, яко благословенна Ты в женах.

Радуйся, Препрославленная, яко велия слава Твоя на небесех.

Радуйся, Богоизбранная Отроковице, яко спасётся Тобою от прелести весь род человеческий.

Радуйся, преизящная Девѣце, яко возвеселѣтся о Тебѣ весь превысочайший соборъ Ангельский.

Радуйся, Благодатная, Господь с Тобою.

#### **Кондак 4**

Бурю внѣтъ имѣщи помышлений сумнительных, смятеся Пресвятая Дѣва, таковое небесное благовѣстие услышавше, помысливше же в себѣ, каково будетъ целование сие, рече ко Архангелу: Ева, праматерь Моя, приемши разум змиин, лишѣся пищи Божественныя и изгнана бысть из рая, темже и Аз боюсь целования страннаго твоего, стыдящеся поползновения. Сего ради отступи от дверей Моих, и не вещай глаголов, их же сбытия никакоже можеша показати, да не обольщена буду, что ум мой и душу смущаеши... Аз же в тишинѣ дѣха Моего воспевати буду: Аллилуѣа.

#### **Икос 4**

Слыша Архангел смиренных глагол Пресвятыя Дѣвы высотѣ, рече к Ней: Что мене бойшися, Всенепорочная, паче Тебѣ боящагося? Что мене благоговееши, Владычице, Тебѣ честно благоговѣющему? Не удивляйся странному моему зраку, не ужасайся, Архангел бо есмь. Змиин прельсти Еву иногда, аз же Божий предстатель послан есмь Божественный Совет Предвечный повѣдати Тебѣ. Не бойся, Мариам, обрела бо еси благодать у Бога безмерный ради девственныя чистоты Твоея. Сего ради зачнеша во чреве и родиши Сына и наречеши Имя Ему Исус. Сей будетъ Великий и Сынъ Вышняго наречетъся. И дастъ Ему Господь Бог престолъ Давида отца Его и воцарится в дому Иаковли во веки и Царствию Его не будетъ конца. Благовествующе же сие велие благочестия таинство, со страхомъ вопию Тебѣ сицевая:

Радуйся, звездѣ незаходящая, вводящая в миръ Великое Солнце Христа.

Радуйся, зарѣ присносіяющая, являющая человекомъ всего мира Творца.

Радуйся, паче утра светлейшая, всемъ во тьмѣ греха сидящимъ светъ благодати облистаяющая.

Радуйся, паче злата дражайшая, всім неведущим Бóга сокровище вѣры показующая.

Радуйся, Лѣстнице Небѣсная, Ёюже Бóг нисхóдит с небѣс.

Радуйся, мóсте к небесѣм приводяй, Ёмже мѣр исполняется чудѣс.

Радуйся, Благодáтная, Госпóдь с Тобóю.

### **Кондáк 5**

Богодухновѣнныя глагóлы Архáнгеловы слышавше, Пресвятáя Дѣва смутѣся паче бѣвшаго, занѣ тѣи Рождествó Ёй возвещáху. Сегó рáди речѣ ко Архистатѣгу: Глагóли Мнѣ явственнейше, кáко зачнó, Дѣва сýщи отроковѣца брáку непричáстная. Кáко бóдет сѣе, идѣже мýжа не знáю? Кáко úбо глагóлеши, яко рождó, боюся едá лѣсть глагóлеши? Сѣя речѣ не невѣрия рáди, но яко не вѣде, кáко мóжет родѣти, естествá закóны превосшѣдши. Сегó рáди речѣ ко Áнгелу: скажѣ Мѣ óбраз рождѣния, во еже не повредѣтся дѣвству Моемó, и тогдá обрýщещи сѣрдце Моѣ к Бóжию изволѣнию готóвое, да с радóстию воспóю Бóгу: Аллилу́иа.

### **Ўкос 5**

Вѣдев Архáнгел велѣчие вѣры Пречѣстыя, речѣ к Нѣй: Глагóлы, яже мнѣ вещáеши, обѣчая ёсть рождествá человѣков смѣртных, закóнам же естествá не работáет Исус, Содѣтель естествá, Отроковѣце. Тѣи ищещи увидети от менѣ óбраз зачáтия Твоегó, но тóй несказáнен ёсть: Дóх Святýй нáйдет на Тя и Сѣла Вѣшняго осенѣт Тя, тѣмже и раждáемое Свято наречѣтся Сын Бóжий. От Тогó во чрѣве приѣмещи и Тóй совершѣт в Тебѣ недовѣдомое зачáтие, о, Пресвятáя Дѣво. Сегó рáди прославляю Тя сѣце:

Радуйся, Дóха Пресвятáго Невѣсто Богоизбрáнная и преднаречѣнная.

Радуйся, Бóга Отцá Дщѣрь прелюбѣмая и превосшѣдѣнная.

Радуйся, свѣтче Божѣственный, в нѣмже пѣрстом Óтчим написýется в Тебѣ Бóжие Слóво.

Радуйся, златýй свѣтѣльниче, Ёмже Óгнь Божествá возсияет всемó мѣру.

Радуйся, глубинó неисчерпáемая, неудобозрѣмая и Áнгельскѣма очѣма.

Радуйся, высотó неизглаго́ланная, неудобовосходима́я челове́ческими по́мыслы.

Радуйся, Благодáтная, Господь с Тобóю.

### **Конда́к 6**

Проповéдника Божéственного и Вéстника небéснаго ты́ вéрую б́йти, рече́ Пресвятáя Дéва ко А́нгелу: ви́жду бо ты́ а́нгельскою облиста́ема свéтлостью, обáче стыждýся скóро вéровати словесéм Твои́м, не увéдевше пéрвее со вся́кою извéстностью. Слы́шах бо Свящéнную нéкую Дéву Емману́ила ражда́ющую, проро́ком дрéвле предречéнную. Сего́ ра́ди хощú разумéти, ка́ко естество́ челове́ческое претéрпит Божества́ растворéние, да позна́ю та́инства си́лу и с вéрою воспою́ Бо́гу: Аллилу́иа.

### **И́кос 6**

Возсиява́ет ны́не, Пречи́стая, Тобóю все́му ми́ру вéлие Та́инство воплоще́ния Бо́жия, — рече́ Арха́нгел к Богоро́дице, — Ты́ бо еси́ Она́я Свята́я Дéва, о Не́йже предрече́ Иса́ия. Ты́ еси́ Две́рь Божества́, чистото́ю запечатле́нная и дéвством храни́мая, Ю́же Иезеки́иль предви́де. Господь прóйдет Тобóю, я́коже со́лнечная луча́ стекло́ или́ криста́лл прохо́дит, просвещáющи и освящáющи Ты́ Божéственною Сла́вою, во éже б́йти Тебе́ и́стинною Ма́терию Бо́жией, ражда́ющей Соверше́ннаго Бо́га и Соверше́ннаго челове́ка, и Дéвою Нетле́нною, я́коже прéжде Рожде́ства, та́кожде в Рожде́стве́ и по Рожде́стве́ Твоéм, роди́ши бо Сы́на, Соблюда́юща Твоé дéвство невреждéнно. Сего́ ра́ди, прославля́юще вели́чие та́йны Твоея́, вопию́ Тебе́ си́це:

Радуйся, Купино́ Неопали́мая, Ю́же не опали́т о́гнь Божества́, Моисéем Предзри́мая.

Радуйся, двéре затворéнная, Ё́уже прóйдет Бо́г, Иезеки́илем предречéнная.

Радуйся, Ски́ние предивная, Я́же Невместима́го Бо́га не тéсно вместит, Авра́мом прообразова́нная.

Радуйся, рунó орошенное, на Негоже Владыка яко капля дождевная тихо  
сндет, Гедеоном предвещанное.

Радуйся, землѣ ненасѣянная, Слово Небесное, яко пшеницу  
плодоносную, чисто прозябающая.

Радуйся, ниво неоранная, Сына Божия, яко клас Божественный, яве  
произрастающая.

Радуйся, Благодатная, Господь с Тобою.

### **Кондак 7**

Хотящи веровати страшней тайне Архангелом возвещенной,  
Пресвятая Дева обаче смутися промысляючи высоты сия величество, и  
вся стыдящися, глаголаше: Рцы Ми, Гаврииле, истиннейшая, како  
нетленней бывши чистоте Моей, рожду с плотию Безплотнаго? Чудеса  
всегда быша множицею Божественною силою чудодѣствуема, дева же  
неискусомужне никогдаже роди. Сего ради како может всеми  
невместимый и всеми невидимый во чрево девичие вселитися, еже Сам  
созда? Рцы Ми сия, да с верою воспою Богу: Аллилуиа.

### **Икос 7**

Нова и страшна и чудна Твоя тайнства, рече Ангел Богородице, и  
новую тварь покажи Тобою всех Творец Господь, Ты бо Единая Царя  
Воплощаемая приими во утробе, да Ты Единая Мати Сына Божия  
пронаречешися, Чистая. Сего ради не дивися чудеси и да не сумнишися:  
“Бог, идеже хощет, побеждается естества чин”, вся бо возможна суть  
Всемогущему. И якоже от ребр Адамовых создана бысть Ева без матери  
древним Богозданием, тако и ныне от Твоего девства воплощается без  
отца всех Господь. И да уверит Тя жезл Ааронов невлажно прозябший и  
руно Гедеоново, зане, яко росу, зачатие приими, Нетленная Дева  
сущи. Такожде и купина во огне неопально пребывшая да возвестит Ти,  
яко приими огонь, Божества, Приснодева, и по Рождестве пребудеши  
Чистая. Сего ради приими целование мое, да вси племена земная с  
радостью воспоют Тебе:

Радуйся, жезле Ааронов, нетление всему миру прозябший.

Радуйся, финикс Давидов, безсмертие падшим людем процветший.

Радуйся, Скинии Небесная, от Херувимов осеняемая и убажяемая.

Радуйся, Святаа Святых Большая, от Серафимов почитаема и приснославима.

Радуйся, Чаше Безсмертнаго Царя, в Нейже растворяется от Святаго Духа всемирная радость.

Радуйся, Стамно Божественныя манны, от Нейже верным уготовляется неизреченная сладость.

Радуйся, Благодатная, Господь с Тобою.

### **Кондак 8**

Страннаго Рождества сего величество смущает Мя, — рече Пресвятаа Дева ко Ангелу, — понеже Всеблагой благоволи паче ума вселитися в Мя, да храм чист душею и плотию соблюден буду Ему, глас радования глагол твоих приемши, веселия Божественнаго исполняются, да упразднится ныне Мною древнее Евино осуждение и да воздаётся Мною днесь долг человеков, да вси Светлому Благовещению сему радующеся, благодарственно воспоют Богу: Аллилуиа.

### **Икос 8**

Вся тварь ныне о Тебе радуется, Благодатная, Ангельский Собор и человеческий род, — рече Архангел, — яко дадётся Тебе радость Божественная и яко всякое обетование Божие Тобою ныне приемлет конец: Тобою днесь благословися Авраам о семени своём. Тобою ныне свободися Ева от древня печали. Тобою ликует Адам, яко днесь исполняется первое благовестие падшим людем: семя Жены сотрет главу змия. Тобою вся тварь ныне начинает свободятися от рабства тлению в свободу славы чад Божиих. Тобою ныне подадётся всему роду человеческому всякая радость и веселие вечное, да вси во веки восхвалят Тя сице:

Радуйся, Обрадованная Дево, от древних патриархов прообразованная.

Радуйся, Свята́я Богоневѣсто, все́ми проро́ки дрѣвле предвозвѣщенна́я.  
Радуйся, Вертогра́де заключѣнный, в Него́же Ца́рь Небе́сный возжела́  
вни́ти.

Радуйся, Кла́дезю запечатле́нный, от Него́же никто́же возмо́жет испи́ти.  
Радуйся, Са́де Божѣственный, в Нѣмже от все́х цвето́в Свята́го Ду́ха  
ра́йское благоуха́ние во все́ь ми́р изнесѣся.

Радуйся, Раю́ новонасажде́нный, в Нѣмже Божѣственное дре́во жи́зни  
посредѣ Тебе́ к прозябе́нию угото́вися.

Радуйся, Благода́тная, Господь с Тобо́ю.

### **Конда́к 9**

Всякое естество́ А́нгельское удиви́ся ны́не о Тебе́, Пречи́стая,  
слы́шаще дѣвное Твое́ со Арха́нгелом Гаври́лом собесѣдование и  
наипа́че молѣние Твое́ сие́: “Ду́шу очисти́, Тѣло освяти́, Це́рковь сотвори́  
Мя́ вместительну́ Бо́жию и Ски́нию богоукраше́ну, да найтием Пресвята́го  
Ду́ха сотворю́ся хра́м одушевле́н и Ма́терь Чи́стая Жи́зни”. Егда́ же по  
молѣтве се́й изрекла́ еси́ из смире́ннаго се́рдца Твоего́: “Се́ Раба́  
Господня́, бу́ди Ми́ по глаго́лу твоemú, да вселѣтся Бо́г в Мя́”, вся  
Небе́сныя Си́лы просла́виша Бо́га, ви́дяще, я́ко гото́во се́рдце Твое́ к  
прия́тию Божѣственному, и со стра́хом и с ра́достью воспѣша Ему́:  
Аллилу́иа.

### **И́кос 9**

Витѣ́я Божѣственный Святы́й Арха́нгел Гаври́л бы́сть в стра́се и в  
молча́нии глубо́цем и прекрати́ глаго́лы своя́, егда́, Пресвята́я Де́во, Ты́  
изрекла́ еси́ смире́нное сло́во Своѣ́: “Се́ раба́ Господня́, бу́ди Ми́ по  
глаго́лу твоemú”. В нача́ле мирска́го быти́я творческим сло́вом симъ: “да  
бу́дет”, Творце́м изрече́нным, создана́ бы́ша вся́ческая ви́димая и  
невѣдимая. Ны́не же сло́во сие́, Де́вою изрече́нное, низведе́ Творца́ твѣри  
в ми́р се́й и тако́ открыва́ется днѣсь е́же от ве́ка та́инство вели́кое: Сынъ  
Бо́жий Сынъ Де́вы быва́ет, да бо́га Ада́ма соде́лает. Соприсносу́щное  
Сло́во О́тчее, не разлучи́вся от го́рних, сни́де на зе́млю и бы́сть Плоть и

вселіся в ны́, неизрече́нно истоща́ется и во Утробу́ Деві́чу вселя́ется. Да раду́ется ўбо́ не́бо и земля́ и со Арха́нгелом да поёт Пречи́стей Деве́ си́це: Радуйся, Не́бо земно́е, до го́рних вы́сот смире́нным ду́хом возше́дшее.

Радуйся, Селёние Небе́сное, Сло́во Бо́жие неизрече́нно вме́стившее.

Радуйся, Благослове́нная, зача́тие Превече́наго Бо́га нетле́нно прие́мшая.

Радуйся, Благода́тная, Черто́г Девства́ Твоего́ в зача́тии Еди́на сохрани́шая.

Радуйся, Чи́стая Деве́, естества́ уста́вы в боговоплоще́нии пресла́вно победи́вшая.

Радуйся, Богоневе́сто, естество́ А́нгельское в благове́щении Твое́м преді́вно возвесели́вшая.

Радуйся, Благода́тная, Госпо́дь с Тобо́ю.

### **Конда́к 10**

Спасти́ хотя́й ми́р, Человеколю́бец Госпо́дь сніде, я́ко до́ждь на руну́ в Пречи́стую утробу́ Твою́, о, Богома́ти, и а́бие неизрече́нным найти́ем Свята́го Ду́ха соде́йся недове́домое зача́тие и Превече́ное Сло́во Бо́жие Плёть бы́сть и вселіся в Тя́, восприя́в Ю́ от Пречи́стых крове́й Твои́х без услажде́ния плотска́го, но не без услажде́ния духо́внаго: тогда́ бо Деві́ческое се́рдце Твое́ божество́нным испо́лнися желáнием и ду́х Тво́й горя́ще пла́менем Серафі́мския любві́, ўм же вёсь, а́ки вне́ Себе́ бы́в, в Бо́зе углубля́шеся. И та́ко услажда́йся неизрече́ннаго Боголю́бия сегó и ўмнаго Боговиде́ния, Ты́ поклоні́лася еси́ Воплоща́емому от Тебе́ Го́споду Твоему́ и радо́стно воспела́ еси́ Ему́: Аллилу́иа.

### **Їкос 10**

Стена́ еси́ де́вам, Богороди́це Деве́, ібо де́вственно́ от Ду́ха Свя́та зачала́ еси́ Предвече́наго Бо́га и Деве́а пребыла́ еси́ и та́ко Ё́ву от дрэ́вня печáли свободі́ла еси́. Днёсь — радо́сть Благове́щения, де́вственное торжество́ и та́инство вели́ко, нача́ло на́шего спасе́ния. Днёсь веселі́тся не́бо и раду́ется земля́. Сегó ра́ди вели́кий Гавриі́л пе́рвый от всея́ тва́ри, разумёв ду́хом вели́кое боговоплоще́ния та́инство, поклоні́ся со стра́хом

вѣлиим воплощшемуся в девичей утрѣбе Спáсу мíра и воплощшую Пречíстую Дѣву почти подобáющим поклонѣнием, яко Царíцу нѣба и землí, и с благоговѣнием вѣлиим воспѣ Ёй таковáя:

Радуйся, высóкаго та́инства Воплощѣния Бóжия пречúдное совершѣние.

Радуйся, неизречѣннаго составлѣния Плóти Христóвой преслáвное явлѣние.

Радуйся, чертóже безсѣменнаго уневѣщения, в Нѣмже Творецъ всего мíра днѣсь вместíся.

Радуйся, Ковчѣже Божѣственнаго Воплощѣния, Ёмже рáдость вѣлия всѣй вселѣнной ны́не даровáся.

Радуйся, Девíце, Боготкáнную порфíру от Пречíстыя Плóти Твоея́ Слóву Бóжию исткáвшая.

Радуйся, Отроковíце, нетлѣнную багрянíцу от дѣвственных кровѣй Твоихъ А́гнцу Бóжию взаимодáвшая.

Радуйся, Благодáтная, Господь с Тобóю.

### **Кондáк 11**

Пѣние всеумилѣнное принеслá есí, Пречíстая, егда́ по отшѣствии Архáнгелове посетíла есí прáведную Елисавету ю́жицу Твою́ и возвестíла ёй рáдость Благовѣщения, в весѣлии дýха, глагóлюще: “Велíчит душá Моя́ Гóспода и возрадовася дýх Мой о Бóзе Спáсе Моём. Яко́ призрѣ на смирѣние Рабы́ Своея́, сѣ бо отны́не ублажáт Мя́ всí роди́”. Сие́ посещѣние Твое́ возвеселí прáведную Елисавету́ и взыгрáся от рáдости младѣнецъ Иоáнн во чрѣве ея́, и испóлнися Дýха Свята́ Елисавет, и рече́: “Откúду мнѣ сие́, да прииде́ Мáти Гóспода Моегó ко мнѣ”. Да взыгрáется ны́не и нáш дýх, ощущáющи в дѣнь Благовѣщения Твоегó рáдость посещѣния Твоегó. Сегó́ рáди с Елисавето́ю возопиѣм Тебѣ́: “Благословѣна́ Ты́ в женáх и Благословѣн Плóд чрѣва Твоегó”, Емú же в́ину да поѣм всí: Аллилу́иа.

## Їкос 11

Свѣт вѣлий и Божѣственный возсія в души Твоей, Пречистая, егда по гласу Архангела Дух Святыи сниде на Тя и Сила Вышняго осени Тя и егда абие зачала еси в Богоблагодатней девственной утробе Своей Творца светов, Егоже свет во тьме светит и тьма его не объят. Той просвети Тя, яко солнце, светом Божества Своего, Всю прослави и обожии, сего ради “сияет доброта Твоя, блистает чистоты Твоя светлость, якоже предрече о Тебе в Песнях Дух Святыи: “Вся добра еси, ближняя Моя, и порока несть в Тебе”. Вся Избранна, Вся Преукрашена явилася еси, Юже Бог возлюбил, Вся Чистая и Божественная Славы исполнена. Сим Божественным Твоим Светом просвещаемии, да воспоем Тя и мы в песнях, яко Матерь Света сице:

Радуйся, Свеще Божественнаго Света, Свет Невечерний в утробе Твоей понесшая.

Радуйся, Луче Умнаго Солнца, весь мир светом Лица Божия просветившая.

Радуйся, Небесный Светильниче, на свещнице земном всей вселенной возжженный.

Радуйся, Животный Источниче, благодатию Духа Святаго преизобильно орошенный.

Радуйся, Светоносная Дево, Еяже ради свет Боговедения днесь нам всем возсия.

Радуйся, Избранная Богоневесто, Еюже ныне радость неизреченная весь мир облистала.

Радуйся, Благодатная, Господь с Тобою.

## Кондак 12

Благодать Божественная и радость велия процветает днесь всему миру, Пречистая, в светоносный день Благовещения Твоего, яко Тебе ради в день он древняя печаль преста и начало спасения человеков положилося: Сын Божий, Сын Девы явился и земля Евы ради проклята

бывшая, Тобою, Деве, днесь паки благословися. Херувим от древа жизни отступает и врата райския верным днесь паки отверзаются, мир же весь исполнися радости, отнеже великий Гавриил еже радуися Тебе, Деве, свыше возгласи. Сего ради небеса убо достойно днесь да веселятся, земля же да радуется, всякое же дыхание и тварь да поют о Тебе Богу: Аллилуиа.

## Икос 12

Поюще всерадостное от Архангела Благовещение Твое, Богородице, восхваляем вси страшное, преславное и велие таинство чистаго и девственнаго от Духа Святаго зачатия Твоего, поклоняемся нетленно зачату от Тебе Сыну Твоему Христу Богу нашему и от всего сердца веруем и исповедуем, яко и в Божественном зачатии и по Рождестве Твоем Ты пребыла еси Приснодева. Сего ради с Гавриилом принесем Тебе сицевый Архангельский глас:

Радуися, Благодатная, облеченная в Солнце, сияющая благодатию и славою всей вселенней.

Радуися, Благословенная, от восток солнца до запад препетая и превозносима по всей поднебесней.

Радуися, Ангельское великое удивление, Гавриила красотой девства Своего удивившая.

Радуися, всему миру благое веселие, падшия люди радостью Благовещения Твоего возвеселившая.

Радуися, смиренная Раба Господня, высотой смирения Своего Бога на землю низведшая.

Радуися, Милосердная Мати Бога Вышняго, Матерним заступлением Своим многие грешники ко Христу приведшая.

Радуися, Благодатная, Господь с Тобою.

### **Конда́к 13**

О, Всепета́я Паракли́та Невесто́, Чи́стая бра́ка не позна́вшая Де́во! Арха́нгела красото́ю Девства́ удивившая и Бо́гу Сло́ву Плоть нетле́нно днёсь взаимода́вшая, ны́нешняя на́ша прие́мши приноше́ния о всера́достнем от Гаври́ла благове́щении Твоём, Христу́ Бо́гу обруче́нная в де́встве сохра́ни, все́х же в чистоте́ укрепí и от бе́д изба́ви, да свобо́дшеся Тобо́ю от ве́чных му́к. Тобо́ю ра́й да обря́щем, иде́же вси́ да воспоём о Тебе́ Бо́гу: Аллилу́иа.

*(Этот конда́к чита́ется тры́жды, зате́м и́кос 1 и конда́к 1)*

### **Моли́твы Пресвято́й Богоро́дице в пра́здник Благове́щения**

#### **Пресвято́й Богоро́дицы**

#### **Моли́тва 1-я**

Приими́, Всеблагомо́щная, Пречи́стая Госпоже́ Влады́чице Богороди́тельнице, сия́ честны́я да́ры, Тебе́ еди́ной прикла́дныя от на́с, недосто́йных рабо́в Твои́х, от все́х родо́в избра́нная, все́х тва́рей небе́сных и земны́х вы́шшая явля́ющаяся. Поне́же бо Тебе́ ра́ди бы́сть Господь си́л с на́ми, и Тобо́ю Сы́на Бо́жия позна́хом, и сподо́бихомся Свята́го Те́ла Егó и Пречи́стыя Кро́ве Егó. Те́мже блаже́нна еси́ в ро́дех родо́в, Богоблаже́нная, Херувимов светле́йши и Серафимов честне́йши су́щая. И ны́не, Всепета́я Пресвята́я Богоро́дице, не преста́й моля́щися о на́с, недосто́йных рабе́х Твои́х, е́же изба́виться на́м от вся́каго сове́та лука́ваго и от вся́каго обстоя́ния: и сохра́нитися на́м неврежде́нным от вся́каго ядови́таго прило́га диа́вольскаго. Но да́же до конца́ моли́твами Твои́ми неосу́дненных на́с соблюди́: я́ко да Твои́м заступле́нием и по́мощию спаса́еми, сла́ву, хвалу́, благодаре́ние и поклоне́ние за вся́ в

Тро́ице Еди́ному Бо́гу и всѣх Созд́ателю возсыла́ем, ны́не и пр́сно и во ве́ки веко́в. Ами́нь.

### **Моли́тва 2-я**

К Тебе́, Пречи́стей Бо́жией Ма́тери, аз окая́нный, припа́дая, молю́ся: ви́ждь, Цари́це, я́ко безпреста́нно согреша́ю и прогневля́ю Сы́на Твоего́ и Бо́га моего́. И мно́гажды а́ще ка́юся, ло́жь пред Бо́гом обрета́юся, и ка́юся трепе́ща, да не ка́ко поразит́ мя Госпо́дь, и по часе́ ма́ле па́ки та́яжде творю́. Сия́ ве́дущи, Влады́чице моя́, Пресвята́я Богоро́дице, почто́ не поми́луеши, почто́ не укрепíши мя, и часо́ ради не пода́си ми́ всегда́ благáя творíти? Веси́ у́бо, о, Влады́чице, я́ко отню́дь íмам в ненави́сти зла́я моя́ дела́ и всею́ мы́слию люблю́ зако́н Бо́га моего́. Но не ве́м, Госпоже́ Пречи́стая, отку́ду я́же ненави́жду, та́я творю́, и се́й преступа́ю. Но не попу́щай, Пресвята́я, во́ли мое́й соверша́тися, неподо́бна бо е́сть, но да бу́дет во мнѣ во́ля Сы́на Твоего́ и Бо́га моего́, да мя спасе́т, и вразуми́т, и пода́ст ми́ благода́ть Свята́го Ду́ха, дабы́ аз отны́не преста́л скверноде́йствовать, и проче́е бы́х пожи́л в повелѣ́ниях Сы́на Твоего́, Го́спода на́шего Иису́са Христа́, Ему́же подоба́ет всякая́ сла́ва, че́сть, поклонѣ́ние и велеле́пие со Безнача́льным Его́ Отце́м и с Пресвяты́м и Благим́ и Животворя́щим Его́ Ду́хом, ны́не и пр́сно и во ве́ки веко́в. Ами́нь.

### **Моли́тва 3-я**

О, Пресвята́я, Богоизбра́нная Де́во, Свята́го Уте́шителя Ду́ха Всенепоро́чная Невѣсто, Пребоже́ственного же Отца́ Небе́снаго Дщѣ́рь Превожде́ленная, посреде́ те́рния ми́ра сего́ Те́м обрѣ́тенная, я́ко кри́н пресве́тлый добро́тою де́вства блиста́ющий, да Сы́ну Бо́жию Чи́стая Ма́терь Неискусобра́чная бу́деши! Что́ у́бо возда́дим Тебе́ в пресве́тлый де́нь се́й Благовѣ́щения, во́ньже Арха́нгела Гаври́ла красото́ю безме́рнаго де́вства Своего́ удиви́ла еси́ и от того́ неизрече́нное обра́дование восприя́ла еси́? Что́ принесѣ́м Тебе́ за вся́ утеше́ния Твоя́, и́миже возвесели́ла еси́ в де́нь се́й ве́сь ми́р ви́димый и неви́димый,

наипаче же падший древле род человець? Днесь спасения нашего начало и еже от века таинства явление: ныне убо Слово Божие тихо сниде с небес, яко капля каплющая на землю, и вселися в Твою Богоблагодатную Девственную утробу и бысть Плоть спасения нашего ради. Сего ради днесь Ангели ликуют на небесех и вся тварь веселится и радуется, празднующе начало освобождения своего от работы истления в свободу славы чад божиих. Ныне радуется женское естество, Евы ради падшее, та бо повинувшись змию печаль родити женам и неудержанно введе смерть. Ты же, Дево, разрешила еси от горькия работы весь род человець и свободою Христовою естество женское почтила еси, зане девством чистым паки истинную жизнь ввела еси, и сего ради жены, девство держаще, врага яве побеждать начинают. Ныне Адам ликует, видев, яко в пресветлый день сей исполнися на Тебе первое райское благовестие, яко семя Жены сотрет главу змия. С нимже ликовствует ныне весь род человець, понеже Тобою, Пречистая, упразднися днесь древнее отвращение Божие к человеку, Бога бо паки привела еси к нам. Сего ради зрим Тя ныне, якоже древле Иаков, яко Лествицу Высокую, Еюже сниде Бог на землю и яко Мост пречуден, имже сущих от земли паки возводиши на небо. Что воздадим Тебе, Царице неба и земли, за вся сия, имиже радость несказанную подала еси падшим и заблуждшим людем Твоим? Вся наши жертвы и приношения ничтоже суть пред величеством благодеяний Твоих. Единое точию угодно Тебе: "сердце сокрушенно и смиренно", егоже и Сын Твой и Господь наш "не унижит". Сего ради молим Тя: исполни нас от превосходящая высоты смирения Своего елика вместити возможем, да принесем Ти во всесвятый день Благовещения Твоего Твоя от Твоих, во еже во всяцем деле блаже не мыслити высокая, но вину в смирении духа пребывать. Сею первейшею добродетелию украшени, в пресветлый день сего праздника Твоего в кротости и чистоте сердца со Архангелом Гавриилом возопием тебе:

Радуйся, Благодатная,

Радуйся, Обрадованная,

Радуйся, Преблагословенная, Господь с Тобою и Тобою с нами во веки веков. Аминь.